



BOLETÍN OFICIAL DO
PARLAMENTO DE GALICIA

X leislatura
Número 566
22 de novembro de 2019



SUMARIO

1. Procedementos parlamentarios

1.1. Procedementos de natureza normativa

1.1.2. Propostas de normas

1.1.2.1. Proxectos e proposicións de lei

1.1.2.1.2. Proposicións de lei

Rexeitamento da toma en consideración

■ 56459 (10/PPL-000042)

Grupo Parlamentario Mixto

Villares Naveira, Luis e 3 máis

Proposición de lei de modificación da escala de gravame do imposto autonómico do patrimonio

[186504](#)

1.3. Procedementos de control e impulso

1.3.5. Mocións

Aprobación por unanimidade sen modificacións

■ 58883 (10/MOC-000165)

Grupo Parlamentario do Bloque Nacionalista Galego

Prado Cores, María Montserrat

Sobre as actuacións que debe levar a cabo o Goberno galego e as demandas que debe realizar ao Goberno central en relación coa situación laboral en Galicia. (Moción consecuencia da Interpelación nº 54440, publicada no BOPG nº 524, do 04.09.2019, e debatida na sesión plenaria do 12.11.2019)

[186504](#)

Rexeitamento da iniciativa

■ 58891 (10/MOC-000166)

Grupo Parlamentario dos Socialistas de Galicia

Pierres López, María Luisa

Sobre as accións que debe levar a cabo a Xunta de Galicia en relación coa protección da capacidade económica das persoas menores e vítimas de violencia de xénero (Moción consecuencia da Interpelación nº 57782, publicada no BOPG nº 552, do 23.10.2019, e debatida na sesión plenaria do 12.11.2019)

[186506](#)

1.3.6. Proposicións non de lei

1.3.6.1. Proposicións non de lei en Pleno

Aprobación sen modificacións

■ 55696 (10/PNP-004121)

Grupo Parlamentario Popular de Galicia

Trenor López, Gonzalo e oito deputados/as máis



Sobre as demandas que debe realizar o Goberno galego ao Goberno central en relación coa obtención de fondos comunitarios para o proxecto de dragaxe e rexeneración da ría do Burgo, así como as actuacións que debe levar a cabo para a súa execución [186506](#)

Aprobación con modificacións

I 57039 (10/PNP-004215)

Grupo Parlamentario dos Socialistas de Galicia

Rodríguez Rumbo, Matilde Begoña e dous deputados/as máis

Sobre as actuacións que debe levar a cabo o Goberno galego en relación coa situación e futuro do estaleiro Barreras, de Vigo [186507](#)

I 57248 (10/PNP-004237)

Grupo Parlamentario do Bloque Nacionalista Galego

Presas Bergantiños, Noa e cinco deputados/as máis

Sobre as demandas que debe realizar o Goberno galego ao Goberno central e as actuacións que debe levar a cabo en relación coa violencia sexual [186507](#)

Aprobación por unanimidade con modificacións

I 44404 (10/PNP-003312)

Grupo Parlamentario de En Marea

Chao Pérez, Luca e dous deputados/as máis

Sobre as actuacións que debe levar a cabo a Xunta de Galicia en relación coa introdución da educación afectivo-sexual no ensino [186508](#)

I 57733 (10/PNP-004287)

Grupo Parlamentario Mixto

Villares Naveira, Luis e tres deputados/as máis

Sobre a demanda que debe realizar o Goberno galego ao Goberno central en relación co envío de representación deportiva a eventos que se organicen en países que lles denegan ás mulleres calquera dos dereitos recoñecidos na Declaración universal dos dereitos humanos [186509](#)

I 58344 (10/PNP-004346)

Grupo Parlamentario Popular de Galicia

García Míguez, María Ángeles e sete deputados/as máis

Sobre as actuacións que debe levar a cabo o Goberno galego en relación coa trata de seres humanos con fins de explotación sexual e a loita contra a violencia de xénero, así como as demandas que debe realizar ao Goberno central ao respecto [186509](#)

Rexeitamento da iniciativa

I 56091 (10/PNP-004146)

Grupo Parlamentario do Bloque Nacionalista Galego

Bará Torres, Xosé Luís e cinco deputados/as máis

Sobre as actuacións que debe levar a cabo o Goberno galego e as demandas que debe realizar ao Goberno central en materia de vivenda [186510](#)



I 57969 (10/PNP-004314)**Grupo Parlamentario dos Socialistas de Galicia****Torrado Quintela, Julio e dous deputados/as máis**

Sobre as actuacións que debe levar a cabo a Xunta de Galicia para a implantación dun catálogo de servizos hospitalarios mínimos en todos os hospitais de Galicia, así como para evitar a perda de máis profesionais e de recursos materiais

[186510](#)**1.3.6.2. Proposicións non de lei en Comisión****COMISIÓN 2ª, ORDENACIÓN TERRITORIAL, OBRAS PÚBLICAS, MEDIO AMBIENTE E SERVIZOS****Aprobación por unanimidade sen modificacións****I 57646 (10/PNC-004588)****Grupo Parlamentario Popular de Galicia****Rodríguez Barreira, María Julia e sete deputados/as máis**

Sobre as demandas que debe realizar o Goberno galego ao Goberno central en relación coa posible introdución por Renfe de modificacións no tren nocturno que une Galicia con Barcelona, así como a realización de melloras nesta conexión

[186511](#)**Rexeitamento da iniciativa****I 54055 (10/PNC-004306)****Grupo Parlamentario Mixto****Vázquez Verao, Paula e Rodríguez Estévez, David**

Sobre as actuacións que debe realizar a Xunta de Galicia en relación coa candidatura a reserva da biosfera da Ribeira Sacra e serras do Oribio e do Courel

[186512](#)**I 57555 (10/PNC-004575)****Grupo Parlamentario dos Socialistas de Galicia****Vilán Lorenzo, Patricia e catro deputados/as máis**

Sobre as actuacións que debe levar a cabo o Goberno galego para garantirlles o dereito ao acceso a unha vivenda social ou de promoción pública ás persoas con discapacidade física ou intelectual con medidas xudiciais

[186512](#)**I 58208 (10/PNC-004650)****Grupo Parlamentario Grupo Común da Esquerda****Sánchez García, Antón e Cal Ogando, Marcos**

Sobre as actuacións que debe levar a cabo o Goberno galego respecto da situación que se está a dar na canteira de Casalonga, no concello de Teo, en relación cos traballos de restauración ambiental e de baleirado da lagoa

[186512](#)**I 58273 (10/PNC-004656)****Grupo Parlamentario do Bloque Nacionalista Galego****Bará Torres, Xosé Luís e cinco deputados/as máis**

Sobre as actuacións que debe levar a cabo o Goberno galego en relación coas condicións da concesión á Xunta de Galicia das illas de San Simón e San Antón, no concello de Redondela, así como a elaboración e aprobación do plan especial de protección dese sitio histórico [186512](#)

4. Informacións e correccións de erros

4.2. Correccións de erros

Corrección de erros na execución dos acordos da Mesa do Parlamento do día 18 de novembro de 2019 [186513](#)



O Pleno do Parlamento, na sesión do 19 de novembro de 2019, adoptou os seguintes acordos:

1. Procedementos parlamentarios

1.1. Procedementos de natureza normativa

1.1.2. Propostas de normas

1.1.2.1. Proxectos e proposicións de lei

1.1.2.1.2. Proposicións de lei

Rexeitamento da toma en consideración

- 56459 (10/PPL-000042)

Grupo Parlamentario Mixto

Villares Naveira, Luis e 3 máis

Proposición de lei de modificación da escala de gravame do imposto autonómico do patrimonio BOPG nº 540, do 02.10.2019

Sometida a votación, obtense o resultado de 33 votos a favor, 37 votos en contra e ningunha abstención, polo que non se toma en consideración.

1.3. Procedementos de control e impulso

1.3.5. Mocións

Aprobación por unanimidade sen modificacións

- 58883 (10/MOC-000165)

Grupo Parlamentario do Bloque Nacionalista Galego

Prado Cores, María Montserrat

Sobre as actuacións que debe levar a cabo o Goberno galego e as demandas que debe realizar ao Goberno central en relación coa situación laboral en Galicia. (Moción consecuencia da Interpelación nº 54440, publicada no BOPG nº 524, do 04.09.2019, e debatida na sesión plenaria do 12.11.2019) BOPG nº 563, do 18.11.2019

Sométese a votación por puntos e o resultado é o seguinte:

Puntos 1, 2, 3, 4, 5, 6a) e 6b): aprobados pola unanimidade dos 69 deputados e deputadas presentes.

O texto aprobado é o seguinte:

«O Parlamento de Galicia insta o Goberno galego a:

1. Elaborar un minucioso estudo sobre a situación laboral das mulleres galegas e impulsar as medidas necesarias, coa dotación económica precisa, que aborden as carencias que se detecten no informe, de cara a fomentar un emprego estable e de calidade para as mulleres.



2. Promover e vixiar o cumprimento da lexislación en materia de igualdade laboral e traballar transversalmente pola eliminación das discriminacións.

3. Elaborar, en colaboración co Consello Económico e Social, o Consello Galego de Relacións Laborais e as universidades galegas, un estudo sobre o impacto da fenda salarial na economía galega e unha exploración de propostas para intervir nela no ámbito das competencias propias.

4. Dotar nos orzamentos da Xunta para 2020 unha partida económica suficiente, non testemuñal, para actuar na rebaixa da fenda salarial.

5. Presentar un informe no Parlamento galego, no primeiro trimestre de 2020, sobre o nivel de aplicación e cumprimento do acordo aprobado por unanimidade o 13 de marzo de 2019 que a continuación se transcribe:

O Parlamento galego insta Xunta de Galicia a impulsar as seguintes accións para a incorporación de cláusulas de igualdade na contratación pública galega:

a) Definir e aprobar, en colaboración coas forzas políticas, sindicais e axentes sociais e económicos, no prazo de 6 meses, o proceso metodolóxico para a implantación de cláusulas de igualdade onde se recolla: diagnose, planificación para a posta en marcha e mecanismos de avaliación.

b) Designar unha comisión responsable do seguimento do proceso e da avaliación periódica na que obrigatoriamente estea incorporada unha persoa representante da Secretaría Xeral de Igualdade.

c) Garantir un grupo técnico multidisciplinar para fornecer a asistencia técnica especializada que precisen as áreas de goberno.

d) Elaborar e remitir á Cámara galega un informe anual da implantación progresiva das cláusulas de igualdade que incorpore información tanto estatística como cualitativa e a difusión de experiencias e boas prácticas.

e) Impulsar as modificacións legais oportunas para blindar legalmente a obrigatoriedade da inclusión deste tipo de cláusulas na contratación pública galega.

6. Demandar do Goberno español:

a) O aumento dos efectivos de inspección laboral para incrementar as inspeccións e as sancións para que as categorías e os pluses non encubran desigualdade salarial, e para tal fin demandar a introdución na lexislación, de sancións económicas para aquelas empresas que non garantan a equidade salarial entre mulleres e homes.

b) A inmediata equiparación de dereitos laborais e protección social para as traballadoras de fogar e de coidados, incluídas as prestacións por desemprego, a cotización por salarios reais e iguais condicións para o cálculo das pensións. Demandar o recoñecemento pleno no Estatuto dos Traballadores e Traballadoras e integración completa no réxime xeral da Seguridade Social así como a sinatura do Convenio 189 da OIT.»



Rexeitamento da iniciativa

- 58891 (10/MOC-000166)

Grupo Parlamentario dos Socialistas de Galicia

Pierres López, María Luisa

Sobre as accións que debe levar a cabo a Xunta de Galicia en relación coa protección da capacidade económica das persoas menores e vítimas de violencia de xénero (Moción consecuencia da Interpelación nº 57782, publicada no BOPG nº 552, do 23.10.2019, e debatida na sesión plenaria do 12.11.2019)

BOPG nº 563, do 18.11.2019

Sométese a votación e resulta rexeitada por 33 votos a favor, 37 votos en contra e ningunha abstención.

1.3.6. Proposicións non de lei

1.3.6.1. Proposicións non de lei en Pleno

Aprobación sen modificacións

- 55696 (10/PNP-004121)

Grupo Parlamentario Popular de Galicia

Trenor López, Gonzalo e oito deputados/as máis

Sobre as demandas que debe realizar o Goberno galego ao Goberno central en relación coa obtención de fondos comunitarios para o proxecto de dragaxe e rexeneración da ría do Burgo, así como as actuacións que debe levar a cabo para a súa execución

BOPG nº 538, do 27.09.2019

Sométese a votación e resulta aprobada sen modificacións por 67 votos a favor, ningún voto en contra e 4 abstencións.

O texto aprobado é o seguinte:

«O Parlamento galego insta a Xunta de Galicia a exixir do Goberno do Estado:

1. A remisión de información oficial das xestións e os avances que ten feito de cara a cumprir co compromiso acadado con Xunta e concellos no mes de xaneiro, relativo á solicitude ante as autoridades europeas do cambio de destino, cara á dragaxe e rexeneración da ría do Burgo, daqueles fondos FEDER xestionados pola Administración do Estado que sexan inexecutables en prazo.
2. Se for o caso, urxir do Goberno de España que axilice as xestións ante a Unión Europea necesarias para a obtención de fondos comunitarios para esta actuación.
3. Que dote de orzamento suficiente o proxecto de dragaxe, actuación de rexeneración do litoral de competencia estatal, establecendo un cronograma completo con prazos e previsións realistas para a súa execución.



4. Que presente un plan social que recolla compensacións a aqueles mariscadores que non poidan traballar durante a execución das actuacións de dragaxe da ría e, nesta liña, teña en conta o ofrecemento realizado pola Xunta de Galicia de cofinanciar nun 10 % un plan social de axuda aos mariscadores.

5. Que constitúa unha comisión de seguimento na que estean representadas todas as administracións e organismos implicados: Ministerio, Xunta de Galicia, concellos da ría (A Coruña, Cambre, Culleredo e Oleiros), confraría e sector marisqueiro.»

Aprobación con modificacións

- 57039 (10/PNP-004215)

Grupo Parlamentario dos Socialistas de Galicia

Rodríguez Rumbo, Matilde Begoña e dous deputados/as máis

Sobre as actuacións que debe levar a cabo o Goberno galego en relación coa situación e futuro do estaleiro Barreras, de Vigo

BOPG nº 547, do 16.10.2019

Sométese a votación por puntos e o resultado é o seguinte:

Punto 1: aprobado pola unanimidade dos 71 deputados e deputadas presentes.

Puntos 2 ao 6: rexeitados por 33 votos a favor, 38 votos en contra e ningunha abstención.

O texto aprobado é o seguinte:

«O Parlamento galego insta a Xunta de Galicia a manifestar o compromiso coa continuidade do estaleiro Hijos de J. Barreras, así como cos seus postos de traballo e as condicións laborais.»

- 57248 (10/PNP-004237)

Grupo Parlamentario do Bloque Nacionalista Galego

Presas Bergantiños, Noa e cinco deputados/as máis

Sobre as demandas que debe realizar o Goberno galego ao Goberno central e as actuacións que debe levar a cabo en relación coa violencia sexual

BOPG nº 547, do 16.10.2019

Sométese a votación por puntos e o resultado é o seguinte:

Puntos 1, 2E) e 2G)4: aprobados pola unanimidade dos 71 deputados e deputadas presentes.

Puntos restantes: rexeitados por 33 votos a favor, 38 votos en contra e ningunha abstención.

O texto aprobado é o seguinte:

«O Parlamento Galego insta a Xunta de Galicia a:

1. Dirixirse ao goberno central para:



a) Demandar a introdución no marco legal do concepto de consentimento para mellorar a tipificación e tratamento da violación e das agresións sexuais, así como a consideración destes delitos como delitos de carácter público.

b) Impulsar a aplicación da directriz do artigo 36 do Convenio de Istambul que estipula que as autoridades deben adoptar todas as medidas necesarias para garantir que o sexo non consentido sexa tratado sempre coma un delito.

c) Modificar a definición estatal de violencia de xénero de acordo co Convenio de Istambul de forma que a violencia sexual sexa recoñecida como tal, como xa fixo a lei galega no ano 2007.

d) Desenvolver as actuacións legais de organización necesarias para que os delitos de violencia sexual sexan instruídos nos xulgados especializados de violencia machista, no caso de que o presunto autor non sexa menor, e transferir a Galicia os recursos orzamentarios necesarios para esta adaptación.

2. Desenvolver as seguintes medidas para mellorar a intervención diante das agresións sexuais:

a) Avaliar no prazo de seis meses o funcionamento do Protocolo de Coordinación e Cooperación Institucional fronte á violencia de xénero respecto da violencia machista e as súas necesidades de mellora.

b) Impulsar campañas específicas de concienciación do bo uso da Internet, sobre os riscos do *sexting* e sobre a ciberviolencia de xénero e sexual.»

Aprobación por unanimidade con modificacións

- 44404 (10/PNP-003312)

Grupo Parlamentario de En Marea

Chao Pérez, Luca e dous deputados/as máis

Sobre as actuacións que debe levar a cabo a Xunta de Galicia en relación coa introdución da educación afectivo-sexual no ensino

BOPG nº 423, do 31.01.2019

Sométese a votación e resulta aprobada, con modificacións respecto do texto orixinal, pola unanimidade dos 70 deputados e deputadas presentes.

O texto aprobado é o seguinte:

«O Parlamento de Galicia insta a Xunta de Galicia a:

1. Adoptar as indicacións da UNESCO e garantir que os rapaces e rapazas contarán na escola con educación afectiva e sexual dende os tres anos ata a universidade.

2. Buscar a colaboración doutras institucións e entidades, nomeadamente das universidades galegas, para deseñar novas medidas orientadas a potenciar a educación emocional e afectivo-sexual en todos os niveis do ensino galego.»



- 57733 (10/PNP-004287)

Grupo Parlamentario Mixto

Villares Naveira, Luis e tres deputados/as máis

Sobre a demanda que debe realizar o Goberno galego ao Goberno central en relación co envío de representación deportiva a eventos que se organicen en países que lles denegan ás mulleres calquera dos dereitos recoñecidos na Declaración universal dos dereitos humanos

BOPG nº 551, do 22.10.2019

Sométese a votación e resulta aprobada, con modificacións respecto do texto orixinal, pola unanimidade dos 71 deputados e deputadas presentes

O texto aprobado é o seguinte:

«O Parlamento galego insta a Xunta de Galicia a dirixirse ao Goberno do Estado co fin de traballar a favor de acadar un consenso internacional para a reconsideración da participación de homes e mulleres deportistas en competicións deportivas organizadas por países nos que se vulneran os dereitos fundamentais da súa cidadanía, especialmente os das mulleres, eliminando así toda discriminación por razón de sexo nos países acolledores de eventos deportivos.»

- 58344 (10/PNP-004346)

Grupo Parlamentario Popular de Galicia

García Míguez, María Ángeles e sete deputados/as máis

Sobre as actuacións que debe levar a cabo o Goberno galego en relación coa trata de seres humanos con fins de explotación sexual e a loita contra a violencia de xénero, así como as demandas que debe realizar ao Goberno central ao respecto

BOPG nº 557, do 06.11.2019

Sométese a votación e resulta aprobada, con modificacións respecto do texto orixinal, pola unanimidade dos 71 deputados e deputadas presentes

O texto aprobado é o seguinte:

«O Parlamento de Galicia insta a Xunta de Galicia a:

1. Elaborar o primeiro plan estratéxico de Galicia contra a trata con fins de explotación sexual.
2. Fomentar que os concellos galegos realicen campañas de sensibilización social contra a trata con fins de explotación sexual coa finalidade de seguir concienciando a sociedade na loita contra esta lacra.

Especialmente, no que ten que ver coa trata de mulleres e nenas, vítimas principais, aumentando os fondos da Xunta destinados a campañas de promoción da igualdade nos concellos.

3. Amosar o apoio á Fegamp para que se cumpra e se execute de maneira inmediata a medida nº 77 do Pacto de Estado, relativa ao estudo xurídico que está a desenvolver a FEMP sobre as reformas que se deberían levar a cabo nas ordenanzas municipais para rematar coa tolerancia na publicidade de servizos sexuais que facilitan actuacións delituosas.



4. Seguir a fomentar, en colaboración cos concellos galegos, a constitución e/ou dinamización das Mesas Locais de Coordinación Interinstitucional contra a violencia de xénero, xa que constitúen un instrumento operativo no que están representados todos os ámbitos, directa ou indirectamente, na loita contra a violencia de xénero, trasladando ao Parlamento un informe sobre o número de mesas constituídas e o seu grao de efectividade.

5. Incrementar para 2020 a contía das axudas destinadas ás entidades e organizacións que atenden as mulleres en situación de prostitución e vítimas de trata con fins de explotación sexual.

6. Dirixirse ao Goberno Central para demandar:

a) Modificar a Lei orgánica 1/2004, do 28 de decembro, de medidas de protección integral contra a violencia, para incluír que son tamén formas de violencia contras as mulleres, conforme o Convenio de Istambul, a violencia física, psicolóxica e sexual, incluída a violación; dando así cumprimento á medida 104 do Pacto de Estado en materia de Violencia de Xénero.

b) Impulsar a aprobación dunha lei orgánica de loita integral e multidisciplinar contra a trata de seres humanos con fins de explotación sexual, que estableza mecanismos adecuados para a prevención, reforce a persecución de oficio do delito, promova a eliminación de publicidade de contido sexual e poña en marcha servizos e programas de protección social e recuperación integral das vítimas, dando así cumprimento á medida 257 do Pacto de Estado en materia de Violencia de Xénero.

7. Presentar un informe específico ante o Parlamento galego sobre o desenvolvemento e execución do obxectivo 2.3 do VII Plan de igualdade de oportunidades entre mulleres e homes (2015-2020) en relación coa atención integral de mulleres e nenas vítimas de trata.

8. Impulsar formación específica en materia de trata de persoas con fins de explotación sexual entre todos os axentes implicados no seu tratamento e erradicación (xustiza, forzas e corpos de seguridade do Estado, sanidade...).

9. Crear recursos públicos de acollemento para vítimas de trata con fins de explotación sexual.»

Rexeitamento da iniciativa

- 56091 (10/PNP-004146)

Grupo Parlamentario do Bloque Nacionalista Galego

Bará Torres, Xosé Luís e cinco deputados/as máis

Sobre as actuacións que debe levar a cabo o Goberno galego e as demandas que debe realizar ao Goberno central en materia de vivenda

BOPG nº 538, do 27.09.2019

Sométese a votación e resulta rexeitada 19 por votos a favor, 38 en contra e 14 abstencións.

- 57969 (10/PNP-004314)

Grupo Parlamentario dos Socialistas de Galicia

Torrado Quintela, Julio e dous deputados/as máis



Sobre as actuacións que debe levar a cabo a Xunta de Galicia para a implantación dun catálogo de servizos hospitalarios mínimos en todos os hospitais de Galicia, así como para evitar a perda de máis profesionais e de recursos materiais

BOPG nº 555, do 30.10.2019

Sométese a votación e resulta rexeitada por 33 votos a favor, 38 en contra e ningunha abstención.

Santiago de Compostela, 21 de novembro de 2019

Miguel Ángel Santalices Vieira

Presidente

A Comisión 2ª, Ordenación Territorial, Obras Públicas, Medio Ambiente e Servizos, na súa sesión do 21 de novembro de 2019, adoptou os seguintes acordos:

1.3.6.2. Proposicións non de lei en Comisión

COMISIÓN 2ª, ORDENACIÓN TERRITORIAL, OBRAS PÚBLICAS, MEDIO AMBIENTE E SERVIZOS

Aprobación por unanimidade sen modificacións

- 57646 (10/PNC-004588)

Grupo Parlamentario Popular de Galicia

Rodríguez Barreira, María Julia e sete deputados/as máis

Sobre as demandas que debe realizar o Goberno galego ao Goberno central en relación coa posible introdución por Renfe de modificacións no tren nocturno que une Galicia con Barcelona, así como a realización de melloras nesta conexión

BOPG nº 552, do 23.10.2019

Sométese a votación e resulta aprobada sen modificacións pola unanimidade dos 12 deputados e deputadas presentes.

O texto aprobado é o seguinte:

«O Parlamento de Galicia insta a Xunta de Galicia a demandar ao Goberno de España que:

1. A operadora Renfe desista de implantar calquera modificación que represente un incremento no tempo da viaxe e/ou unha diminución do confort dos viaxeiros no tren nocturno que une Galicia con Barcelona.

2. Levar a cabo actuacións de mellora nas conexións entre Galicia e Barcelona, tanto nas frecuencias como na duración da viaxe e no confort dos pasaxeiros, e tanto no que atinxe ás conexións diúrnas como nocturnas.»



Rexeitamento da iniciativa

- 54055 (10/PNC-004306)

Grupo Parlamentario Mixto

Vázquez Verao, Paula e Rodríguez Estévez, David

Sobre as actuacións que debe realizar a Xunta de Galicia en relación coa candidatura a reserva da biosfera da Ribeira Sacra e serras do Oribio e do Courel

BOPG nº 522, do 30.08.2019

Sométese a votación e resulta rexeitada por 5 votos a favor, 7 votos en contra e 0 abstencións.

- 57555 (10/PNC-004575)

Grupo Parlamentario dos Socialistas de Galicia

Vilán Lorenzo, Patricia e catro deputados/as máis

Sobre as actuacións que debe levar a cabo o Goberno galego para garantirles o dereito ao acceso a unha vivenda social ou de promoción pública ás persoas con discapacidade física ou intelectual con medidas xudiciais

BOPG nº 552, do 23.10.2019

Sométese a votación e resulta rexeitada por 5 votos a favor, 7 votos en contra e 0 abstencións.

- 58208 (10/PNC-004650)

Grupo Parlamentario Grupo Común da Esquerda

Sánchez García, Antón e Cal Ogando, Marcos

Sobre as actuacións que debe levar a cabo o Goberno galego respecto da situación que se está a dar na canteira de Casalonga, no concello de Teo, en relación cos traballos de restauración ambiental e de baleirado da lagoa

BOPG nº 557, do 06.11.2019

Sométese a votación e resulta rexeitada por 5 votos a favor, 7 votos en contra e 0 abstencións.

- 58273 (10/PNC-004656)

Grupo Parlamentario do Bloque Nacionalista Galego

Bará Torres, Xosé Luís e cinco deputados/as máis

Sobre as actuacións que debe levar a cabo o Goberno galego en relación coas condicións da concesión á Xunta de Galicia das illas de San Simón e San Antón, no concello de Redondela, así como a elaboración e aprobación do plan especial de protección dese sitio histórico

BOPG nº 557, do 06.11.2019

Sométese a votación por puntos:

— Puntos 1, 3 e 4: rexeitados por 5 votos a favor, 7 votos en contra e 0 abstencións.

— Punto 2: rexeitado por 3 votos a favor, 7 votos en contra e 2 abstencións.

Santiago de Compostela, 21 de novembro de 2019

Eva Solla Fernández

Vicepresidenta 2ª



4. Informacións e correccións de erros

4.2. Correccións de erros

Corrección de erros na execución dos acordos da Mesa do Parlamento do día 18 de novembro de 2019

Advertido un erro material na relación das iniciativas admitidas a trámite pola Mesa do Parlamento na reunión do 18 de novembro de 2019, publicadas no BOPG número 565, do 20 de novembro de 2019, procédese á súa corrección nos seguintes termos:

Nas páxinas 186038 e 186039, onde di:


«- 58764 (10/MFSG-000004)
Fiscalía Superior Comunidade Autónoma de Galicia
Memoria da Fiscalía Superior. Comunidade Autónoma de Galicia. Ano 2019»

Debe dicir:

«- 58764 (10/MFSG-000004)
Fiscalía Superior Comunidade Autónoma de Galicia
Memoria da Fiscalía Superior. Comunidade Autónoma de Galicia. Ano 2018»

Santiago de Compostela, 20 de novembro de 2019
Xosé Antón Sarmiento Méndez
Letrado oficial maior





PARLAMENTO
DE GALICIA

BOLETÍN OFICIAL DO
PARLAMENTO DE GALICIA

Edición e subscricións:
Servizo de Publicacións do Parlamento de Galicia. Hórreo, 63. 15702. Santiago de Compostela.
Telf. 981 55 13 00. Fax. 981 55 14 25
Dep. Leg. C-155-1982. ISSN 1133-2727

